

39. La plus miserable amante

Complainte de Bibilis

Text: Siméon-Guillaume de la Roque

Charles Tessier

La plus mi- se- ra- ble a- man- te Qui soit en tout l'u-
 Ce ty- ran qui me mar- ti- re, Cau- se de tant de
 Le nom sans plus je vous ca- che, Pour le cœur vous de-
 Las ma dou- leur est ve- nu- ë, A- mant plein de cru-
 Si nous a- vons pris nais- san- ce D'un mes- me sang et
 Las! que ne suis- je sor- ti- e De quel- que es- tran- ger

ni- vers, Qui meurt pour vous lan- guis-
 mal- heurs, Hi- er me les fit es-
 cou- vrir: Au- par- a- vant qu'on le
 au- té, Pour vous es- tre trop co-
 d'un corps, Pour- quoy n'ont sur nous puis-
 loin- tain: Où que n'ay- je de Scy-

san- te, Vous es- crit ces tris- tes vers.
 cri- re De mon sang et de mes pleurs.
 sça- che, La mort me fa- ce mou- rir.
 gnu- ë! Mau- dit soit la ap- ren- té.
 san- ce Les doux a- mou- reux ac- cords?
 thi- e Les froids gla- çons dans le sein.

7. Que n'avez vous sçeu cognoistre
A mon tient palle et transi,
Que vostre amour faisoit naistre
La fleur de ce chaud souci.

8. Mes soupirs tous chauds de flame
Que j'espandois à tous coups,
Monstroyent assez que mon ame
Ne brusloit sinon pour vous.

9. Lors que sans estre farouche
Ne cognoissiez vous mon cœur,
Que les baisers de ma bouche
Estoyent trop plus que de sœur.

10. Long temps j'ay eu patience
Pres de vostre œil qui me point,
Disant, C'est par innocence
Aveugle qu'il n'ayme point.

11. Or' que le Ciel et la Terre
Et l'Air m'entendaent douloir,
Où vous estes une pierre,
Où vous le pouvez sçavoir.

12. Vous l'avez sçeu des allarmes
Que j'endurois nuit et jour:
Car les soupirs et les larmes
Parlent assez en amour.

13. Pour faire à l'Amour des fleches
Vos regards sont radieux,
Pour voir mes cruelles breches
Vous avez perdu les yeux.

14. Plaignez ma douleur profonde
Pour le loyer de ma foy:
Le plus estrange du monde
Avroit bien pitié de moy.

15. De secourir qui vous ayme,
Vous n'en seriez recherché:
Soit la faute plus qu'extreme,
Amour couvre le peché.

16. Venez l'un des deux eslire:
Soyez mon dernier confort,
Chassez mon triste martire,
Où bien donnez moy la mort.

17. Je le vous requiers de grace,
Remplissez vous de pitié,
Si jamais à vostre race
Vous portastes amitié.

18. Laissons suivre à la vieillesse
Les droits à nous incognus:
On a fait pour la jeunesse
Les douces loix de Venus.

19. Junon de pareille flame
Son frere ayma comme moy:
Ce n'est point offenser l'ame:
Nature force la loy.

20. Sans craindre pere ni mere
Prenons la commodité,
Le mot de sœur et de frere
Emporte grand' privauté.

21. J'ay beau prendre en leur presence
Mille baisers amoureux,
Avant que le monde pense
Quelqu'autre mal de nous deux.

22. Souvent dans ma chambre close
Vous m'avez mis en vos bras,
Le reste est bien peu de chose
Pour en faire tant de cas.

23. Si fostre rigueur augmente
Sans me vouloir escouter,
La mort me rendra contente
Mourant pour vous contenter.

24. Faite au moins je vous supplie,
M'ostant l'espere flambeau,
Qu'apres la fin de ma vie
Vostre cœur soit mon tombeau.